

35. aðalfundur Landssambands smábátæigenda

Tillögur til allsherjarnefndar frá svæðisfélögum

Efnisyfirlit

<i>Sérstakt veiðileyfagjald strandveiða</i>	<i>2</i>
<i>Hrygningarstopp</i>	<i>2</i>
<i>Reglugerðarhólf</i>	<i>2</i>
<i>Veiðiskylda.....</i>	<i>2</i>
<i>Lokun veiðisvæða</i>	<i>3</i>
<i>Humarveiðar og markaðssetningu grjótkrabba</i>	<i>4</i>
<i>Umhverfisáhrif veiðarfæra.....</i>	<i>2</i>
<i>Umgengni um auðlindina.....</i>	<i>4</i>
<i>Stjórn fiskveiða.....</i>	<i>4</i>
<i>Hrygningarstopp</i>	<i>4</i>
<i>Rannsóknir</i>	<i>5</i>
<i>Eftirlit.....</i>	<i>5</i>
<i>Öryggi sjómanna</i>	<i>6</i>
<i>Markaðir</i>	<i>6</i>
<i>Ráðgjöf Hafrannsóknastofnunar</i>	<i>6</i>
<i>Sjómannaafláttur</i>	<i>6</i>
<i>Viðskipti með aflamark.....</i>	<i>7</i>
<i>Þjónusta</i>	<i>6</i>
<i>Hvalveiðar.....</i>	<i>7</i>

Sérstakt veiðileyfagjald strandveiða

1. Aðalfundur Landssamband smábátæigenda skorar á stjórnvöld að fella niður sérstakt gjald (svokallaðan bryggjuskatt) á virkjun veiðileyfa við strandveiðar.

Greinargerð

Þetta sérstaka gjald hefur verið lagt á frá upphafi strandveiða. Spurningar vöknudu strax og efasemdir um rættmæti slíkrar gjaldtöku umfram aðrar veiðar.

Því er það orðið löngu tímabært að t.d. stjórn Landssambands smábátæigenda krefjist þess af stjórnvöldum að tekin verði saman nákvæm greinargerð um það hvernig þessum fjármunum hefur verið ráðstafað, en ætla má að búið sé að greiða hátt í 300 milljónir í þessa sérstöku gjaldtöku.

Hrygningarstopp

2. Aðalfundur Landssamband Smábátæigenda krefst þess að handfæraveiðar verði undanþegnar hrygningarstoppi.

Veiðiskylda

3. Aðalfundur Landssamband smábátæigenda óski eftir því að sjávarútvegs-ráðherra fái heimildir til að geta veitt undanþágu á veiðiskyldu þeirra aðila sem lenda í alvarlegum veikindum, óhöppum og vélarbilunum.

Umhverfisáhrif veiðarfæra

4. Aðalfundur Landssamband smábátæigenda skorar á umhverfisráðherra, að beita sér fyrir því að gert verði umhverfismat á áhrifum veiðarfæra sem heimilt er nota á Íslandsmiðum á sjávarbotn og lífríki sjávar.

Reglugerðarhólf

5. Aðalfundur Landssamband smábátæigenda mótmælir harðlega enn og aftur þeirri ákvörðun að loka svæðum að fengsælum miðum við grásleppuveiðar í Faxaflóa vegna æðarvarps. Fundurinn krefst þess að 4. málsgrein 9. greinar í reglugerð um hrognkelsaveiðar nr. 202 frá 4. mars 2016 verði tafalaust felld úr gildi.

Greinargerð

Fjórir æðarbændur nýta varp á litlum hluta þessa svæðis en hafa náð með „lobbýisma“ að koma þessu banni í gegn. Benda má á að athugun fór fram á fjölda æðarfugla sem komu í net, en þessi athugun var framkvæmd af sérstökum eftirlitsaðila utan þeirrar skráningar sem grásleppusjómenn sjálfir skrá. Fundurinn telur að skoða þyrfti breytingar á skipulagi grásleppuveiða er gengu út á það að öll landsvæði byrjuðu veiðar á sama tíma. Þá telur fundurinn að Landssamband smábátæigenda eigi að þrýsta á að hrognakaupendur gefi út verð sín viku áður að vertíð hefjist.

6. Aðalfundur Landssamband smábátæigenda krefst þess að reglugerðarhólf fyrir línu og handfæraveiðar skuli opnuð tafarlaust og að sjávarútvegsráðuneytið skuli hafa samráð við heimamenn um lokanir.

Lokun veiðisvæða

7. Aðalfundur Landssamband smábátæigenda mótmælir harðlega öllum hugmyndum um lokun svæða fyrir handfæraveiðum eins og fram koma í skýrslu starfshóps um „faglega“ endurskoðun varðandi notkun veiðarfæra, veiðisvæða og verndunarsvæða á Íslandsmiðum.
8. Snæfell Aðalfundur Landssamband smábátæigenda telur að ekki skuli beita reglugerðarlokunum eða skyndilokunum á handfæraveiðar.
9. Aðalfundur Landssamband smábátæigenda leggur til að sæbjúgnaveiðar verði bannaðar innan 4ra mílna á svæði sem afmarkast af línu sem liggur í norður frá Garðskaga og þaðan í vestur að línu sem liggur vestur frá Stafnesvita.

Greinargerð

Sæbjúgnabátar beita tveimur plógum, gríðarlegur þungi sem veldur mikilli röskun á lífríkinu. Öll fyrirstaða mulin niður. Því hefur verið haldið fram að sæbjúgað sé afar mikilvægt í fæðukeðjunni.

10. Aðalfundur Landssamband smábátæigenda leggur til að óheimilt verði að stunda togveiðar innan 4ra mílna á svæði sem afmarkast af línu vestur úr Sandgerði suður og austur að Grindavík á tímabili frá 15. október til 5. maí.

Humarveiðar og markaðssetningu grjótkrabba

11. Aðalfundur Landssamband smábátæigenda vill kanna möguleika þess að heimila humarveiðar í gildrum í Faxaflóa samhliða veiðileyfi á grjótkrabba. Einnig skorar fundurinn á stjórnvöld að huga alvarlega að skaðsemi trollveiða á humri á lífríki sjávar. Út frá rannsóknum á skaðsemi trollveiða liggur það í augum uppi að ekki verði hægt að bjóða náttúrunni upp á slíkar aðfarir til lengdar. Humarveiðar í gildrum lágmarka áhrif á lífríki hafsins og auka nýtingu auðlindarinnar til muna.

Greinargerð

Grjótkrabbi er ný nytjategund innan veiðilögsögu Íslands og finnst hann nú í miklu magni í Faxaflóa. Ljóst er þó að löng og kostnaðarsöm þróunarvinna er framundan í veiðum, vinnslu og markaðssetningu á grjótkrabba áður en nýting á honum verði arðbær. Ómögulegt er fyrir smábátæigendur að standa straum af kostnaði við slíka þróunarvinnu.

Með því að heimila humarveiðar í gildrum upp að vissu marki samhliða veiðum á grjótkrabba væri hægt að dekkja hluta þess kostnaðar og hvetja útgerðarmenn til frekari þróunarvinnu við nýtingu á grjótkrabba, sem í framtíðinni yrðu sjálfbærar og umhverfisvænar veiðar.

Umgengni um auðlindina

12. Aðalfundur Landssamband smábátæigenda hvetur útgerðarmenn smábáta að kalla til starfsmann Fiskistofu þegar um ónýtan aflu er að ræða.

Hrygningarstopp

13. Aðalfundur Landssamband smábátæigenda leggur til að hrygningarstoppi við Breiðafjörð ljúki 11. apríl ár hvert.

Rannsóknir

14. Aðalfundur Landssamband smábátæigenda skorar á stjórnvöld að auka rannsóknir á lífríki Breiðafjarðar, sérstaklega ef auka eigi nýtingu þara úr firðinum, og hvaða áhrif hún hafi á lífríki Breiðafjarðar og viðgang fiskiseiða.
15. Aðalfundur Landssamband smábátæigenda samþykkir að sækja um styrk hjá AVS til rannsókna á áhrifum handfæraveiða á hegðun hrygningarfisks annars vegar og hversu mikill hluti smáfisks drepst við sleppingar af handfærum.
16. Aðalfundur Landssamband smábátæigenda krefst þess að áhrif veiða á sæbjúgum á botndýr og botn verði rannsakaðir hið fyrsta, telur fundurinn að áhrif veiðanna séu töluverð. Sem dæmi er þyngd sæbjúgnaplógs að jafnaði eitt – tvö og hálf tonn.

Eftirlit

17. Aðalfundur Landssamband smábátæigenda mótmælir harðlega öllum hugmyndum um myndavélaeftirlit utan hafna.
18. Aðalfundur Landssamband smábátæigenda vill að við strandveiðar sé nægjanlegt að sjálfvirkur eftirlitsbúnaður sé virkur þegar farið er frá landi og þegar komið er í land, eins og er við aðrar veiðar en strandveiðar.
19. Aðalfundur Landssamband smábátæigenda leggur til að drónaefirlit með smábátum verði óheimilt nema með dómsúrskurði þar sem fyrir liggur rökstuddur grunur um alvarlegt brot.
20. Aðalfundur Landssamband smábátæigenda til að fara ofan í saumana á verðmyndun á grásleppu með það að markmiði að hún verði gagnsærri en nú er og að gerðir verði samningar milli kaupanda og seljanda grásleppuafurða.

Öryggi sjómanna

21. Aðalfundur Landssamband smábátæigenda skorar á Samgöngustofu að setja þau skilyrði fyrir fullgildu haffæri að skip séu rétt skráð inn í AIS.

Markaðir

22. Aðalfundur Landssamband smábátæigenda skorar á sjávarútvegsráðherra að reyna með öllum ráðum að opna fyrir viðskipti við Rússland hið fyrsta.

Ráðgjöf Hafrannsóknastofnunar

23. Aðalfundur Landssamband smábátæigenda bendir á þá staðreynd að fyrir daga kvótakerfisins voru hástemmdar yfirlýsingar Hafrannsóknastofnunar um 450-500 þúsund tonna afla í þorski, yrði tillögum hennar hlýtt. Nú, 35 árum síðar hefur margsinnis sýnt sig að tilraunastarfsemi Hafró hefur mistekist með öllu. Því er skorað á stjórnvöld að þau beiti sér fyrir því að vinnubrögð og stefna stofnunarinnar sé tekin til gagngerrar endurskoðunar.

Þjónusta

24. Aðalfundur Landssamband smábátæigenda styður ítrekaðar samþykktir Drangeyjar um tafarlausar úrbætur á hafnarmannvirkjum á Hofsósi. Vegna fjölgunar báta er nauðsynlegt að bæta við leguplássum í höfninni, fjölga rafmagnstenglum, útbúa aðstöðu fyrir móttöku á úrgangsolíu og síum svo og rafgeymum og að klæða bryggjuna betur. Þá er mikilvægt að höfnin uppfylli reglugerð um slysavarnir og öryggisbúnað í höfnum t.d. hvað varðar stiga við löndunarkrana og frágang á bryggjukanti.
25. Aðalfundur Landssamband smábátæigenda fagnar tilkomu fiskmarkaðar á Sauðárkróki og þeirri bættu þjónustu við smábátaútgerð á staðnum sem því hefur fylgt.

Hvalveiðar

26. Aðalfundur Landssamband smábátæigenda styður og hvetur til hvalveiða.

Nýjar tillögur

27. Aðalfundur Landssamband smábátæigenda krefst þess að verðmyndun aflagjalda verði sú sama af öllum afla og verði reiknuð af verðlagsstofuverði

28. Aðalfundur Landssamband smábátæigenda hvetur til þess að framleiddir verði límmiðar fyrir aðildarbáta LS sem banna myndatökur án samþykkis skipstjóra. Límmiðarnir skulu staðsettir á áberandi stað þar sem þeir sjást úr loft.